

SAKSPAPIR

Saksnr	Utval	Type	Dato
079/19	Formannskapet	PS	20.11.2019
	Heradsstyret	PS	

Saksbehandlar	ArkivsakID
Grete Birkelid	17/2836

Søknad om kommunalt tilskot og kommunal garanti for låneopptak til rehabilitering av friidrettsanlegget, Osterøy stadion

Vedlegg:

Søknad om kommunalt tilskot til rehabilitering friidrettsdelen Osterøy stadion

Forprosjekt rehabilitering friidrettsdekket Osterøy stadion

resultset_4836_3_vedlegg1.pdf

Rådmannen sitt framlegg til vedtak:

«Osterøy kommune stiller garanti (simpler kausjon) for lån til på kr 2 200 000,- til rehabilitering av friidrettsdekke på Osterøy stadion. Garantiperiode: inntil lånet er innløyst, seinast 31.12.2026.

Osterøy IL skal kvart år innan 31. januar sende inn oversikt over restlån med nedbetalingsplan

pr. 31.12. til Osterøy kommune.

Osterøy kommune gjev 25% av godkjent spelemiddeltilskot kr 211 662,- i kommunalt tilskot til rehabilitering av friidrettsdekke på Osterøy stadion over investeringsbudsjettet for idrett og friluftsliv.

Vilkår for tilskotet og lånegaranti er at anlegget får godkjent spelemiddelsøknad og fylkesmannen godkjenner garanti.»

Formannskapet - 079/19

FS - behandling:

AVRØYSTING

Rådmannen sitt framlegg vart samrøystes tilrådd.

FS - vedtak:

Formannskapet si innstilling til heradsstyret:

«Osterøy kommune stiller garanti (simpler kausjon) for lån til på kr 2 200 000,- til rehabilitering av friidrettsdekke på Osterøy stadion. Garantiperiode: inntil lånet er innløyst, seinast 31.12.2026.

Osterøy IL skal kvart år innan 31. januar sende inn oversikt over restlån med nedbetalingsplan pr. 31.12. til Osterøy kommune.

Osterøy kommune gjev 25% av godkjent spelemiddeltilskot kr 211 662,- i kommunalt tilskot til rehabilitering av friidrettsdekke på Osterøy stadion over investeringsbudsjettet for idrett og friluftsliv.

Vilkår for tilskotet og lånegaranti er at anlegget får godkjent spelemiddelsøknad og fylkesmannen godkjenner garanti.»

Saksopplysningar:

Saksopplysningar:

Bakgrunn

I Kommunedelplan for Idrett, fysisk aktivitet og friluftsliv 2008-2019 vedtatt av Osterøy heradsstyre 2008 heiter det om det kommunale tilskotet:

3.4 Kommunale tilskot—vilkår og sum.

I Osterøy har praksis vore at kommunen har ytt 25% av spelemiddeltilskotet der kommunen eig anlegget.

Kommunelova set forbod mot å løyva investeringsmidlar til tiltak i privat eige. Tilskot til

private utbyggjarar må følgjeleg løyvast over driftsbudsjettet. Der er det ikkje avsett midlar.

Fleire søknader om spelemidlar gjeld tiltak i privat eige.

Osterøy IL søker om dekking av minimum 25% av godkjent spelemiddeltilskot til tiltaket. Totalkostnad på prosjektet er estimert til kr 2 539 945,-. Spelemiddeltilskot er då på 1/3 av totalentreprise á kr 846 648,- og kommunalt tilskot utgjør då kr 211 662,-. Osterøy IL ber om at kommunen vurderar å auke det kommunale tilskotet opp mot tilsvarande sum som

spelemiddeltilskot på kr 846 648,-.

Osterøy kommune eig grunnen friidrettsanlegget er etablert på, slik at ein kan yte midlane frå investeringsbudsjett for idrett.

Tidlegare politisk sakshandsaming som gjeld rehabiliteringa, har vore dei årlege rulleringane av handlingsprogrammet til Kommunedelplan for idrett, friluftsliv og fysisk aktivitet i samband

med prioritering av idrettsanlegg tilknytt spelemiddelsøknadar.

Osterøy kommune har høve til å investere i anlegg til eige bruk.

Investeringa må då vere over kr 100 000,-.

Vurdering

Rapport frå Norges Friidrettsforbund datert 25. februar 2016 syner behovet for rehabilitering. Osterøy IL hadde i utgangspunktet planar om å gjennomføre ei omfattande rehabilitering av

anlegget med eit prisestimat på over 3 mill. NOK, men har gjort ei vurdering om å berre gjere nødvendig rehabilitering for å halde nede kostnadane. Friidrettsbana er drifta og vedlikehaldt av Osterøy IL, og mottar drift- og vedlikehaldsmidlar frå kommunen. Desse midlane dekker berre delar av kostnadane for drift og vedlikehald. Friidrettsanlegget er sentralt plassert og vert også nytta av offentlege skular, andre idrettslag og andre som ikkje er tilknytt idrettslaget, og har difor høgare slitasje enn andre baner i kommunen. I tillegg er denne bana den einaste i kommunen som er godkjent for konkurransar.

Osterøy kommune har jf *Kommunedelplan for idrett, fysisk aktivitet og friluftsliv 2008 – 2019* ytt 25% av godkjent spelemiddeltilskot. På bakgrunn av kommunen sin økonomiske situasjon ser ein ikkje rom for å auke det kommunale tilskotet ytterlegare.

Konklusjon

Rådmannen er positiv til at Osterøy IL rehabiliterer friidrettsanlegget på Osterøy stadion for å auke levetida og kvaliteten på anlegget. Rådmannen rår difor til at ein gjev kommunalt tilskot á kr 211 662,- og kommunal garanti for lån på kr 2 200 000,-.